



Senin, 18 Maret 2024
Ogen: Matius 18:15



Ngerana Dua-dua



Ngerana dua dua, sada cara si mehuli guna meteh kejujuren teman entah anak i bas kai si enggo ilakokenna. Adi i bas jelma si enterem isungkun banci saja ia merso, la jujur, entah daramina pembenaren dirina. Adi ngerana dua-dua, lit i je siteken, la ituriken ku kalak, ras sepeggejapen.

Jesus mereken pedah man ajar-ajarna kerna uga ngajarken senina i bas sada perpulungen. Banci saja i bas teman sada perpulungen e lit la siangkan, jadi konflik ras banci encedai ku bas kiniteken. Nina Jesus, kita ertanggungjawab mpersingeti temannta si la siangkan e gelah la ndauh ia nirangken kinitekenna. Konflik biasa jadi, tapi adi nggit ngakui kekurangan ras kelebihan teman banci dungna erdame. I bas mpersingeti teman tuduhkan alu ate keleng, labo mpedauh ia i bas sada rarasen perpulungen nari tapi uga ia nggit mulihken rembak ras rarasen e. E maka nina Jesus, ngeranalaha lebe dua-dua.

Biasana adi ngerana dua-dua biakna kekelengen, ngasup ngaloken teman uga litna, la lit i je unsur menghakimi. Erkiteken si e pihak si knonflik ndai pe tek ia maka kai siibahanna e labo kari ipembarken ku kalak sideban. E maka pang ia jujur, nggit ngakui kai sienggo ibahanna. Arah kejujurena e, teridah me kai uluna maka banci konflik. Arah pengakunna e, ibabai ia mulihken ku dalan si payo. Ku kata Dibata. Adi nggit ia robah ertina ia tetap jadi anggota perpulungen Kristus.

Perlukal ngerana dua-dua, ndungi konflik si lit i bas perpulungen, entah i bas jabu. I bas ngerana dua-dua lit i je kejujuren ras kekelengen.